

Adam und Eva



1. Mir wolln enk jetz sin-ga, a Lia - dl a neis, von A-dam und



E - va, vom Pa - ra - deis. Fi - dral - la - la - la, fi - dral - la - la -



la, fi - dral - la - la - la - la - la - la!

2. Ja wia halt Gott-Vater die Welt hat daschafft,
da hat er zuerst den Adam gemacht. Fidrallalala ...
3. Da hat halt Gott-Vater an Adam a Rippn aussaghaut
und hat eahm a vorwitzigs Everl draus baut. ...
4. Da sagt halt Gott-Vater: "Vo dem Baum eßts ma nix
und wennis ma was abatoats, kriegts ma wixwix!" ...
5. Da hat halt glei 's Everl an Apfl abbrockt
und hat eahm a Speitl ins Maul einegschoppt. ...
6. Da kimmt halt Gott-Vater und jammert und schreit:
"Was habts denn es ogstellt, es sapischen Leut?" ...
7. Da sagt halt glei 's Everl: "I hab ja nix to,
da Adam soll gscheida sei, er is da Mo!" ...
8. Da laßt halt Gott-Vater die Engl ruafn,
sie solln de Bogaschn glei aussewerfn. ...
9. "Ja schmeißts es no ausse und sperrts fleißi zua,
sonst gibt de Bogaschn draußt aa no koa Ruah!" ...
10. Und 's Liadl is gsunga und schee hat's net to.
Was geht des de lausigen Zualoser o? Fidrallalala ...

Geselliges Lied von Adam und Eva, der Erschaffung der Welt und dem "Sündenfall", aufgezeichnet nach dem Gesang von Rosa und Sepp Linhuber 1981 (ES). In: "Balladen, Moritaten und gesungene Geschichten II" (Volksmusikarchiv und Volksmusikpflege des Bezirks Oberbayern 1991). Zu hören auf der CD "Heit gibt's a Rehragout ..." (VMA 2008).

Urheberrechtshinweis: Das Lied ist GEMA-frei und kann jederzeit öffentlich ohne Tantiemenzahlung gesungen werden. Informationen zu weitergehenden Nutzungsrechten (Lied und Filmaufnahme) erteilt Ernst Schusser (Volksmusikarchiv).

Volksmusikarchiv des Bezirks Oberbayern, 83052 Bruckmühl, Krankenhausweg 39, Tel. 08062/5164, Fax 08062/8694, E-Mail: volksmusikarchiv@bezirk-oberbayern.de